



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Notæ In Notas Willelmi Wendrockii Ad Ludovici Montaltii  
Litteras, Et In Disquisitiones Pauli Irenæi Inustæ**

**Fabri, Honoré**

**Coloniæ, 1659**

Conclusio.

**urn:nbn:de:hbz:466:1-39536**

enim quæstionem decidere vacat; certum est, ex prædictis Constitutionibus, dum quis præceptum violat, non deesse potentiam proximam, quâ servari possit; ac proinde dari gratiam verè ac plenè sufficientem, cui voluntas resistat; item omnem necessitatem antecedentem ab eâ libertate abesse, quæ ad merendum & demerendum sufficiat; item tales esse gratiam, cui voluntas obtemperare, vel obfistere ad libitum valeat. Denique satis ridiculus esse vidêris, dum negas, Romæ inter Consultores, de re ipsâ vel de aliquo dogmate disputatum esse; cùm de quinque propositiōnibus disputatum sit. De nomine, inquis, non de re ipsâ Romæ actum fuit. Idem Calvinus & Lutherus pro suis erroribus defendendis facile dixissent. Crediderim hos æquè fuisse hæreticos; at non æquè impudentes.

## CONCLUSIO.

**H**Æc sunt, Willelme Wendrocki vel Paule Irenæe, quæ raptim exarata ad te mittere cogitavi. Asperiorem ac duriorem stylum fortè accusabis: sed excusare potius debueras. Mitiùs enim, seu molliùs fluere non poterat; dum in frequentes errorum tuorum salebras, & calumniarum scopulos incurreret. Si quid asperius est; tibi ac veritati imputes: tibi quide[m], quem ut castigarem, castigator stylus aptus non fuit: veritati autem, quam ut contra Janseniana mendacia defendere[m], non rosis & fuco, aliisque ornamentiſ, sed nervis, ferro, aculeis, unguibus & rostro pugnandum fuit. Si fortè aliqua spes vestræ conversionis affulgeret, dubio procul omni, leniùs scriberem. Proba, sis: illicò accersam, quidquid

quid habet tersi nitoris, stylus; ornamenti, eloquentia; jucundi, Suada: ut tibi & panegyricum & elo-  
gium contexam. Cum Diabolis Willelme, quibus  
operam tuam dicasti, mitius agere non juvat. Hodie  
praelusi; cras scenam aperiam: faciamque, ne de mea  
parcite, jure saltem, conqueri unquam valeas. Li-  
beralem dextram porrigo, & copiosam operam polli-  
ceor: quandoquidem Jesuiticam doctrinam ad exa-  
men vocasti, par pari referam; & quid in Scholasticâ  
Theologiâ, quid in Morali, quid in Mysticâ, quid in  
Positivâ, ut vocant, Jansenistæ vestri sentiant; non  
uno volumine toti orbi Christiano exponam; nisi  
quispiam alias præverterit. Latinè scribam, quia toti  
Europæ scribo. Fœmineo foro, doctrinæ judicium sub-  
ducendum est: ibi enim, saltem ut plurimum, blas-  
phemicales, & ioci heterodoxi, pluris æstimantur,  
quam rationum momenta. Propediem quidquid à Je-  
suitis Gallicâ linguâ, justæ defensionis jure, contra  
errores vestros, & afflictas calumnias huc usque scri-  
ptum est; in Latinam versum mitti etiam ad te cura-  
bo: ne tu deinceps Tuique, religiosam Jesuitarum  
moderationem, tacitæ criminum iis à te affictorum  
confessioni tribuatis. Mollius cum hæreticis agen-  
dum non est. Quandoquidem Christianum silentium  
Jesuitis vitio vertis; erit, qui pro illis loquatur &  
scribat, iis deinceps futurus auctor, ut te Libro-  
rum multitudine obruant. Interim vale, quod opto;  
& resipisce, quod optari quidem, sperari tamen  
vix potest.

FINIS.